



**Jān Sister  
Joy D. Jones**  
Būreejtōn eo Eutie  
an Būroimere

# Juon Idajoņjoņ kōn Tampeļ



*“Im e naaj kalōlō ilo būruōn ro nejier kallimur ko kar kōmṁṁani nān ro jimṁṁaer, im būruōn ro nejier renaaj oktakļok nān ro jemāer.” (Katak im Bujen Ko 2:2).*

Juon Jabōt rikakpilōklōk eo aō im nā komro kar etal nān juon kweilok an Kabuñ. Kōmṁ kar kōnono kōn tampeļ im men ko raorok im rej waļok ie. Ālkin kweilok eo, juon ļaddik 12 iiō rūttoon etan Colby ekar itok nān im idik peiū. Kōmro kar bwebwenato kōn tampeļ eo. Innām ikar idajoņjoņ e nān pukot juon et jān baamle eo an im bōke nān tampeļ eo.

Ilo juon iien ekadu, ikar bōk juon leta jān Colby. Eñin ta eo Colby ekar ba nān nā:

“Ikar roļol nān mweo imō im loe juon āt kāāl. Ekar waļok ke ikar loe etan jemān jimṁṁaō!

“Jidik iien tokālik ikar etal nān tampeļ eo im kar peptaij

nān e. Ekar ļap an aorok kōnke ļaddik eo jeiū ekar peptaiji nā im jema ekar kapen e nān e.

“Ekar juon eņjake eo emṁṁan itolowa me ekar bōk-tok aenōmṁṁan. Ij eņjake ke ta eo ikar kōmṁṁane nān jimṁṁaō ekar lukkuun emṁṁan kōnke kiiō emaroņ in etal nān laļ an celestial im mour ippān baamle eo an. Ilo aolepān raan eo, ekar emṁṁan aō eņjake itulowa.

“Ikar bar bōk jeļā ke ejeļok ejeļā wōn ro jinen im jemān jimṁṁaō, kiiō imaroņ in kapukot etaer im bōke er nān tampeļ eo barāinwō!”

Colby ej juon waanjoņak eļap an emṁṁan! Jekdoņon ewi joņan aṁ rūttoo, komaroņ bar waanjoņak nān baamle eo aṁ im ro mōttam. Komaroņ kwaļok kake gospel eo nān aolep ro kōjeļā kajjeer—aaet rūttoo ro jibūmṁ im jimṁṁaam emōj aer jako! ●